

## Für Geschwulst der Nieren.

Safft ist / Kornrosenwasser: rhürs wol durch einander / vnd seyle es durch ein sauber tüchlin noch einmal: Dann thue darzu das gelb von ein Ey / vnd so vil als des Dotters ist / auch so vil Honig / vnd so vil weiß Meel / Rhürs wol durch einander / vñ laß wol waichen. Darin nen dann Tüchlin / truckts wider wol in der Hand auß / vnd legs vber den Schaden.

## Für Geschwulst der Nieren.

Seud Bonen in einer Laugen / das sie gar weich werden: Dreib sie wol / vnd leg sie auff ein Tuch / das heb an die Geschwulst / vnd bäh sie also heiß damit.

## Oder.

Nim Taubenmist / vñnd Gerstenmeel / Wachs mit Essig zu ein Brey / laß wol heiß werdē / vnd legs in zimlicher wärmin vber. Es were gut / das ein wenig Camillē oder Bullenfrautöl / darin der gemischt / vñnd das ein zartes dünns Tüchlin auff das Caplauma gelegt wüde / wann man es vberlegen will.

## Oder.

Seud Camillenblumen in weißem Wein / Legs auff ein Tuch vber die Geschwulst.

## Für die Silgläuf.

**S**toß die Wurzel von Zeitlosen: Seud die in Wasser / da mit wasche dich.

## Oder.

Tödtē Quecksilber mit nüchtern Speichel / machs zu Reinbargemschmer an / wie ein Salben / vnd schmier dich damit. Besser vñnd ohnschädlich ist / das die ort nur mit denen Tüchlin geriben werden / mit welchen die Goldschmid / wann sie vergulden / das Silbergeschirz abwischen.



Wann einer ober Land will ziehen/vnd  
die Läuß fürchtet.

Der nem Lauanderblumen vnd Kraut/vnd Lorbouen/vnd  
seuds wol mit einander in Wasser Nesh darnach die Kleider daruff/  
vnd laß von ihm selb trucken werden.

### Für erzauberte Liebe/ & impo- tentiam.

So man etnem die Liebe hat zuessen geben.

**W**Im Steinrauten oder Maurrauten/vnd heimische oder  
Weinrauten/jedes j. quintlin/vñ j. quintlin Theriac: Zer-  
hack die Blätter: Mischs alles vnter den Theriac/ laß in  
ein Zwibel braten/vnd gibß jm dann alles mit einander.

Contra impotentiam & incantationes.

Nim Bibergeil/ Hirschbrunst/ langen Pfeffer/ jedes ij. Lot/  
Satyrionis oder palma Christi/ Calmus/ Aron/ Galgant/ Nessels  
samen/ Borago/ Bethonien/jedes j. Lot: Stosß jedes besonder gar  
klein. Darnach mischs vnder einander/ Vnd wann du es brauchen  
wilt/ so nim morgens vnd abends allwegē j. quintlin in warmem  
Wein. Mirabiliter irritat & excitat torpentes, etiam à maleficio  
tales.

Ad idem: Wanns ein genommen  
ist worden.

Nim von einer Frauen die Milch/ ein guts Becherlin voll/  
Trinckß auß/ so würdt das verloren recht wider kommen.

Oder.

Grab Wegwartwurß vor auffgang der Sonnen/ henckß an  
Hals/vnd isß alle morgen vnd abend ein wenig daruon.

Mannheit wider zubringen.

Nim Hirschbrunst/ Muscatnuß/ gansen Saffran/ langen  
Pfeffer/

33 ij